

Eallinfápmo- ja teknihkalaš lávdegoddi**Áigi** 09.02.2023 dmu 15:23 - 19:20**Báiki** Hybridačoahkkin, Teams-heivehus/ váldostivrasále**Čoahkkináššit**

§	Bajilčála	Siidu
1	Čoahkkima lágalašvuhta ja mearridanváldi	3
2	Beavdegirjedárkkisteaddjiid válljen	4
3	Čoahkkima bargoortnega dohkkeheapmi	5
4	Áigeguovdilis áššit	6
5	Eallinfápmo- ja teknihkalaš lávdegotti beavdegirjedoalli válljen ja čoahkkimiid albmosii bidjan jagis 2023	7
6	Eallinfápmo- ja teknihkalaš lávdegotti vuloš boadusovttadagaid mearreruhtajuohku, rehkegiid vuostáváldin ja dohkkeheaddjiid nannen	8
7	Teknihkalaš doaimma doaibmačilgehus ja bušeahta ollašuvvan jagis 2022	9
8	Ohcejoga báhčínbánaprojekta	10
9	Gielddainšenevrra virggi vuodđudeapmi	11
10	Čilgehus eanasaji 890-401-39-20 geavaheamis	13
11	Luopmosadjásašbálvalusaid ordnen jahkái 2023	14
12	Turismarávvema ordnen jagis 2023	15
13	Ohcejoga Master Plan -projeavtta ohcan	16
14	Giddodatbargojoavkku evttohus boares skuvlagiddodagaid geavaheamis	19
15	Eanaviidodagaid lonuheapmi	22
16	Ohcejoga luossaguovddáščielggadusa álgaheapmi	24
17	Áššit diehtun	27
18	Eallinfápmo- ja teknihkalaš lávdegotti giđa 2023 čoahkkináiggat	28
19	Lassemearruhta Sami Game Jam-projektii	29

Oasseváldit

	Namma	Dmu	Bargu	Lassedieđut
Mielde	Lukkari Sammol	15:23 - 19:20	Ságadoalli	
	Jaatinen Eeva	15:23 - 19:20	Várreságadoalli	
	Tapiola Uula	15:23 - 17:14	Lahttu	
	Guttorm Urho	15:23 - 17:05	Lahttu	
	Konttinen Pirjo	15:23 - 19:20	Lahttu	
	Aikio Mika	15:23 - 19:20	Lahttu	
	Ahlakorpi Anni	15:23 - 19:20	Lahttu	
	Koskenniemi Mika	15:23 - 19:20	Várrelahttu	
	Kinnunen Mirjami	15:23 - 19:13	Várrelahttu	
	Kordelin Marjatta	15:23 - 19:20	Gielddaráđdehusa ovddasteaddji	
Eret	Manninen Terttu		Lahttu	
	Hekkanen Eemeli		Lahttu	
	Valle Petteri		Várrelahttu	
	Wargh Kirsi-Marja		Várrelahttu	
	Länsman Arvi		Várrelahttu	
	Halonen Markku		Várrelahttu	
	Rautajoki Mervi		Várrelahttu	
	Rasmussen Riikka		Várrelahttu	
	Länsman Nilla-Pekka		Várrelahttu	
Eará	Guttorm Väinö	15:23 - 19:20	Gielddaráđdehusa sj	
	Pieski Taina	15:23 - 19:20	Teknikkalaš doaibmasuorggi doaibmasuorgehoavda, áššemeannudeaddji	
	Lepistö Tanja	15:23 - 19:20	Eallinfápmohoavda, áššemeannudeaddji	
	Porsanger Markku	15:23 - 19:20	Huksendárkkisteaddji, áššemeannudeaddji	
	Länsman Juhán	15:23 - 19:20	Beavdegirjedoalli	
	Savolainen Mirja	15:23 - 19:20	Giddodatinšenevra	
	Aikio Leena	15:23 - 19:20	Tulka	

VuolláičállosatSammol Lukkari
ságadoalliJuhán Länsman
beavdegirjedoalli**Gieđahallon áššit**

1 - 19

Beavdegirji dárkkisteapmi

Ohcejohka 9.2.2023

Mika Koskenniemi
beavdegirjedárkkisteaddjiAnni Ahlakorpi
beavdegirjedárkkisteaddji**Beavdegirji lea dollojuvvon albmosis**

Ohcejohka 14.02.2023

Minna Lukkari
almmuhantávvala dikšu

Beavdegirji dárkkisteaddjit:

Čoahkkima lágalašvuohta ja mearridanváldi

Ealtekig § 1

Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearráduš:

Gávnnahuvvui, ahte čoahkkin lea lágalaččat čoahkkái bovdejuvvon ja lea mearridanválddálaš.

Eallinfápmo- ja tehnikkalaš
lávdegoddi

§ 2

09.02.2023

Beavdegirjedárkkisteaddjiid välljen

Ealtekig § 2

Evttohus:

Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddalaš.

Mearrádus:

Beavdegirjedárkkisteaddjin välljejuvvuiga Mika Koskenniemi ja Anni Ahlakorpi.

Čoahkkima bargoortnega dohkkeheapmi

Ealtekig § 3

Evttohus:

Lávdegoddi dohkkeha áššiid gieđahallanortnega evttohuslisttu mielde.

Mearrádus:

Ášši §10 Juhunjarga gáddesajádatlávva sirdojuvvo čuovvovaš čoahkkimii.

Mika Aikio evttohii, ahte čoahkkimis ovdanbuktojit teknikalaš- ja ealáhusdoaimma áigeguovdilis áššit. Ášši merrojuvvui gieđahallot lasseáššin § 4.

Lasseáššin §19 gieđahallojuvvo lassemearruhta Sami Game Jam-projektii.

Eallinfápmo- ja teknikalaš lávdegoddi dohkkehii evttohuslisttu mielde áššiide gieđahallanortnega om. lasseáššiiguin.

Áigeguovdilis áššit

Ealtekig § 4

Čoahkkimis addojuvvon evttohus:

Gielddahoavda Taina Pieski muitala lávdegoddái teknihkalaš doaimma áigeguovdilis áššiid birra ja eallinfápmohoavda Tanja Lepistö muitala ealáhusdoaimma áigeguovdil áššiid birra.

Áigeguovdilis áššit buktojuvvojit lávdegoddái diehtun.

Mearrádus:

Buktojedje lávdegoddái diehtun

Eallinfápmo- ja teknihkalaš
lávdegoddi

§ 5

09.02.2023

Eallinfápmo- ja teknihkalaš lávdegotti beavdegirjedoalli válljen ja čoahkkimiid albmosii bidjan jagis 2023

Ealtekig § 5

Eanageavahan- ja huksenlága vuođul addinláhka mearrádušat (MRL 142 § ja 198 §) addojuvvojit albmosii bidjama maŋŋá. Mearrádusa birra almmuhuvvo ovdal dan addinbeaivve gieldda almmuhantávvalis. Almmuhusa galgá doallat oaidninláhka uhcimustá njulgengáibádusa dahje váidaga dahkamii várrejuvvo áigge.

Doaimmasuorgehoavdda evttohus:

Eallinfápmo- ja teknihkalaš lávdegotti beavdegirjedoallin doaimma ealáhusčáli dahje teknihkalaš doaimma kanslista ja beavdegirji geahččaluvvo dárkkistit dalán čoahkkima maŋŋá. Dárkkistuvvon beavdegirji dollojuvvo oaidninláhka maŋimuštá čoahkkima čuovvu vahku maŋnebárgga.

Albmosii bidjama maŋŋá addinláhka mearrádušain almmuhuvvo ovdal dan addinbeaivve Ohcejoga gieldda almmuhantávvalis.

Mearráduš:

Dohkkehuvvui evttohusa mielde

Eallinfápmo- ja teknikalaš
lávdegoddi

§ 6

09.02.2023

Eallinfápmo- ja teknikalaš lávdegotti vuloš boađusovttadagaid mearreruhtajuohku, rehkegiid vuostáváldin ja dohkkeheaddjiid nannen

6/02.00.00/2023

Ealtekig § 6

Hálddahunjuolggadusa 64 § mielde lávdegottit dohkkehit bušehtii vuodđuduvvi geavahanplánaset.

Geavahanplánas doaibmaorgána juohká boađussurggiid mearreruđa ja boahtoárvoštallama boađusovttadagaide.

Doaibmaorgána nanne maid boađusovttadagaid geavahanplánaid.

Doaibmaorgána meroštallá dingonvuoigatvuođa rájaid bušeahta olis. Duhtosiid ja rehkegiid dohkkeha boađussuorggi dahje boađusovttadaga vástuolmmoš dahje doaibmaorgána sierra mearridan olmmoš.

Čoahkkimis lea oaidninláhkai eallinfápmo- ja teknikalaš lávdegotti vuloš doaimmaid mearreruđajuohku bušeahta mielde.

Evttohus:

Lávdegoddi nanne eallinfápmo- ja teknikalaš lávdegotti vuloš doaimmaid mearreruhtajuogu sihke nammada mearreruhtačuovvuma vástuolbmuid sihke rehkegiid vuostáváldiid ja dohkkeheaddjiid.

Mearrádus:

Dohkkehuvvui evttohusa mielde.

Eallinfápmo- ja teknihkalaš
lávdegoddi

§ 7

09.02.2023

Teknikkalaš doaimma doaibmačilgehus ja bušeahta ollašuvvan jagis 2022

8/02.02.01/2023

Ealtekig § 7

Lassemateriálan teknihkalaš doaimma doaibmačilgehus ja bušeahta ollašuvvan jagis 2022.

Doaibmasuorgehoavdda evttohus:

Lávdegoddi merke diehtun teknihkalaš doaimma jagi 2022 bušeahta ollašuvvama ja dohkkeha doaibmačilgehusa jagis 2022 ja evttoha dan ain gielddaráđđehussii dohkkehanláhkai.

Mearrádus:

Dohkkehuvvui evttohusa mielde.


Ohcejoga báhčínbánaprojeakta

7/10.03.01/2023

Ealtekig § 8

Eränkävijät ja Reserviläisyhdistys leat ohcan ođđa báhčínbána báikki vulobeale kártaváldosii merkejuvvon guovllus Áilegas-duoddara davábeale vielttis. Guovlu lea Áilegasa geaidnoguoras boazoáiddi ja Deanu gaskkas. Daningo guovlu lea bodnečáhceguovlu, ohccojuvvo guovlu givvir- ja bistovlabánai.

Meahcceráđdehus bivdá Ohcejoga gieldda oainnu báhčínbánaprojektii.



Doaimmasuorgehoavdda evttohus:

Ohcejoga gielda guottiha eanaviidodaga láigoheami dán projektii.

Mearrádus:

Dohkkehuvvui evttohusa mielde.

Urho Guttorm vulggii eret čoahkkimis dán paragrafa gieđahallama maŋná dmu 17.05.

Eallinfápmo- ja teknihkalaš
lávdegoddi § 9

09.02.2023

Gielddainšenevrra virggi vuodđudeapmi

180/01.01.03/2013

Ealteklg § 9

Teknikkalaš doaibmasuorgái lea vuodđuduvvon lávdegotti mearrádusain 18.1.2022 giddodatinšenevrra doaibma, mii lea doaisttázii fámus. Teknikkalaš lávdegoddi lea válljen doibmii almmolaš ohcanmeannudeami bokte diplomainšenevra Mirja Savolainen 24.5.2022.

Giddodatinšenevra doaibmá giddodatfuolahusa ja čorgejeaddjiid hoavdan, doallá ortnegis ja ovddida gieldda giddodatopmodaga. Bargui gullet jođihit ja gilvalahttit bajásdoalu ja ortnegisdoallama projeavttaid plánema sihke bearráigeahččo- ja huksehanbarggut.

Giddodatinšenevrra bargguide gullá maid Ohcejoga gieldda oamastan giddodatoasussearvi Ringinvatro hovden ja fitnodatjođiheaddjin doaibman. Fitnodagain lea sohppojuvvon soahpamušain, ahte fitnodatjođiheaddji bargguide geavahuvvo 25% bargoáiggis.

Lassin teknikkalaš doaibmasuorgehoavdda jođiheami vuolde lea sohpon, ahte giddodatinšenevra vástida lávvaáššiin ovttas huksendárkkisteaddjiin. Giddodatinšenevrra bargguide gullá maid daid áššiid válmmaštallan, mat gusket jođáhagaid, geahppa johtolaga ja almmolaš olgodaddanguovlluid.

Teknikkalaš doaimma bargguid oassálas ođđasit ordnedemiid geažil maid giddodatinšenevrra doaibmagova lea dárbu ođasmahttit čuovvovaččat:

1. Bargonamahusa rievdadeapmi gielddainšenevran. Láhka giddodatinšenevrra bargguin meroštallá gielddas doaibmi giddodatinšenevrra láhkageatnegahtton bargguid, mat laktásit stuorrát eanamihtideapmái ja eará bargguide, mat eai gula Ohcejoga giddodatinšenevrra bargguide. Bargonamahusa lea buorre rievdadit, amaset šaddat boasttoáddejumit. Mánnggain eará gielddain Ohcejoga giddodatinšenevrra ovddasvástádusa vuollái gullelaš bargguin vástida gieldda/gávpotinšenevra.
2. Doaimma rievdadeapmi virgin. Giddodatinšenevra geavaha barggustis maid almmolaš eiseváldedoaimaválldi, man sáhtta lága mielde geavahit dušše virggis doaibmi olmmoš. Teknikkalaš doaimma áššiid válmmaštallan ja ovdanbuktin eallinfápmo- ja teknikkalaš lávdegottis gáibida, ahte giddodatinšenevra lea virggis. Seammás giddodatinšenevrii boahtá ekonomalaš ovddasvástádus ja namačállinvuoigatvuohta gieldda giddodatáššiin (omd. gieldda giddodagaid šleađga- ja čáhcerhekegat, smávva giddodatháhkamat). Lassin gielddas

Beavdegirjji dárkkisteaddjit:

hovdenbargguin doibmet dušše virgeolbmot. Nuppástusas eai leat váikkuhusat bálkái.

3. Giddodatinšenevra sirdojuvvo gielddainšenevrra virgái dalán go váldostivra lea virggi vuodđudeamis mearridan. Sirdimii lea olbmo iežas miehtan. Giddodatinšenevrra doaimma heaittihuvvo.

Válmmaštalli ja áššemeannudeaddji gielddahoavda, teknikalaš doaimmasuorggi doaimmasuorgehoavda Taina Pieski

Doaimmasuorgehoavdda evttohus:

Giddodatinšenevrra bargonamahus rievdaduvvo virggi vuodđudeami oktavuodas gielddainšenevrran. Giddodatinšenevra sirdojuvvo gielddainšenevrra virgái dalán go váldostivra lea virggi vuodđudeamis mearridan.

Eallinfápmo- ja teknikalaš lávdegoddi heaittiha dán maŋŋá giddodatinšenevrra doaimma.

Mearrádus:

Uula Tapiola vulggii eret čoahkkimis ovdal dán paragrafa gieđahallama dmu 17.14.

Dohkkehuvvui evttohusa mielde.

Čilgehus eanasaji 890-401-39-20 geavaheamis

5/10.03.00/2023

Ealtekig § 10

Ohcejoga gieldda huksenbearráigehčču lea bohtán 18.11.2022 Geavu guovllu eanaeaiggádis doaibmabidjobivdda čielggadit eanasaji 890-401-39-20 viesuid geavaheami, eanasaji viesuid geavahanulbmila ja nannejuvvon oppalašláva mearrádusaid ektui.

Huksenbearráigeahču eiseváldi galgá álggahit doaibmabijuid, go huksenlobi vuostásaš geavaheapmi lea bohtán eiseválddi dihtui. Viesu dahje dan oasi geavahanulbmila čielga rievdadeapmi gáibida álo huksenlobi.

Ášši guorahaladettiin galgá dáhpáhusa mielde árvvoštallat dan, vástiditgo báikki geavaheami mihtilmas váikkuhusat mieđihuvvon huksenlobi. Seamma árvvoštallan guđege dáhpáhusa mielde heivehuvvo maid váikkuhusaide fámus orru oppalašláva lávvamerkema mieldásaš geavahanulbmilis.

Bákkuhanvuohkin áššis sáhtta gávnnahit, ahte eanaeaiggáda ii sáhte geatnegahttit ohcat spiehkasteami oppalašlávás ja ohcat huksenlobi geavahanulbmilis, duššefal viesu geavaheami giieldima huksenlobi vuostásaččat.

Huksendárkkisteaddji evttohus:

Eanaeaiggádiin bohtán čielggadusa vuodul sáhtta gávnnahit, ahte luopmoássanviesu (mii lea eanasajis) geavaheapmi vástida eanasaji lávvamerkema RA-1 mieldásaš geavaheami.

Luopmoássanviessu lea láigohuvvon hui uhcán ja geavahuvvon lobi mielde, iige doaibmabidjobivdda mielddisbuvtte gáibádusa viesu geavahanulbmila nuppástussii.

Mearrádus:

Mika Aikio evttohii, ahte ášši sirdojuvvo čuovvovaš čoahkkimii. Eeva Jaatinen ja Anni Ahlakorpi guottiheigga Aikio evttohusa.

Ášši gieđahallan sirdojuvvui čuovvovaš čoahkkimii.

Luopmosadjásašbálvalusaid ordnen jahkái 2023

28/14.03.01/2014

Ealtekig § 11

Ordnejuvvojit vuosttas sajis sadjásašveahkke- ja jahkeluopmosadjásašvuodát, mávssuvuloš luopmosadjásašveahkki ordnejuvvo vejolašvuodaid mielde.

Fitnodatdoallit, geat leat ordnejuvvon luopmosadjásašvuogádagas, sáhttet geavahit mávssuvuloš luopmosadjásašveahki.

Luopmosadjásažžan sáhttá doaibmat olmmoš, gii lea luopmosadjásašbálvalusaid buvttadeaddji fitnodaga dahje servoša bálvalusas, dahje iehčanas ámmáthárjeheaddji. Olmmoš, geas lea bargogaskavuolta eanadoallofitnodatolbmui, ii sáhte doaibmat mávssuvuloš luopmosadjásašveahki luopmosadjásažžan.

Dorjojuvvon mávssuvuloš luopmosadjásašveahki diibmohaddi jagis 2023 lea 15,60 €/luopmosadjásašdiibmu.

Válmmaštalai: ealáhusčáli

Eallinfápmohoavdda evttohus:

Ohcejoga gielda várre 1500 euro mearreruđa mávssuvuloš luopmosadjásašveahki doarjumii. Doarjja gehččo sierra guđege fitnodatdoalli buolta. Gielda oassálastá goluide 50 % /luopmosadjásašdiibmu (dorjojuvvon mávssuvuloš luopmosadjásašveahkki) nu guhká go mearreruhta lea geavaheamis. Luopmosadjásašbálvalusaid dikšu Pohjois-Suomen lomituspalvelut. Doarjaga galgá ohcat 6 mb siste ollašuvvan luopmosadjásašvuodas.

Mearráduš:

Dohkkehuvvui evttohusa mielde.

Eallinfápmo- ja teknikkalaš
lávdegoddi

§ 12

09.02.2023

Turismarávvena ordnen jagis 2023

27/14.02.00/2014

Ealtekig § 12

Gáregasnjárgga geasseáigge turismarávven lea jagis 2022 ordnejuvvon gilidállu Sáivvus ovttas Gáregasnjárgga giliseruviin.

Njuorggámis ii leat turismarávven, muhto turismabrošyrasaji lea jagis 2022 doallan Ikäsähly ry. Ikäsähly lea maid fuolahan EU davimus báikki galledansajis ja dan guossegirjjis.

Ohcejoga girkosiidda birrajagi turismarávven lea jagis 2022 ordnejuvvon gilidállu Giissás oastobálvalussan Ohcejohnjálmmi gilisearvvis.

Eallinfápmohoavdda evttohus:

Gáregasnjárgga geasseáigge turismarávven ordnejuvvo seammaláhkai go ovddit jagi, nappo juolluduvvo doarjja Gáregasnjárgga gilisearvái.

Njuorggáma bálvalusaid bajásdoallu ordnejuvvo nu, ahte juolluduvvo doarjja Ikäsähly ry:i.

Doarjagiid oažžuma eaktun lea, ahte bušeahta ollašuhhtinrávvagiin meroštallon áššebáhpárat doaimmahuvvojit gildii.

Ohcejoga girkosiidda birrajagi turismarávven ordnejuvvo oastobálvalussan Ohcejohnjálmmi gilisearvvis.

Doarjagiid sturrodat ja turismarávvena golut ráđđádallojit odđasit guhtege doaimbiin sierra nu, ahte golut vástidit juovlamánus dohkkehuvvon bušeahta.

Mearrádus:

Eeva Jaatinen gávnnašii iežas leat easttalaš, iige oassálastán mearrádusdahkamii.

Dohkkehuvvui evttohusa mielde.

Ohcejoga Master Plan -projeavtta ohcan

11/00.01.05/2023

Ealtekig § 13

Ohcejoga gieldda ekonomalaš dilli lea duođaid váttis ja einnostusaid mielde boahotá joatkašuvvat dakkárin guhká. Vai gielda ceavzá, galgá dat bastit lasihit buot vearroboahtošlájaid: Dienasboahtovearu, giddodatvearu ja searvušvearu. Ohcejoga ealáhusdoaimma lea árbevirolaččat vuodđuduvvan nana rádjegávpái, turismii ja boazoealáhussii. Turisma lea vuodđuduvvan erenomážit Deanu luossabivdui. Sihke rádjagávpi ja turisma leat gillán korona ja Deanu bivdogildosa dagahan ráhkadusnuppástusa váikkuhusain. Korona áigge oidnu maid viidásabbot Lappi boazodoalloguovllus turismma ja boazodoalu nana oktavuoha. Jagis 2019 dáhpáhuvvan turismma bissáneapmi geahpedii sakka bohccobierggu jođu.

Mii Ohcejogas leat jo guhká oaidnán, ahte boahttevuoda ealáhus lea suvdilis turisma. Mii leat ádden, ahte min luonddu ja sajádaga árvu lea turismii mearkkašahti luossabivddu lassin. Dán kriisadilis gielddas lea dahkkon analysa ealáhusaid ovdáneami vejolašvuodain. Lea áddejuvvon, ahte positiivvalaš ekonomiijaovdáneapmái dárbbášuvvojit gielddas aktiivvalaš doaimbijut. Árvvoštallamis nanosmuvai oaidnu, ahte turisma lea doaimmasuorgi, mas lea eanemus dakkár potentiála, mas oažžu oppalaš eallinfámu guvlui. Turismma ovdáneamis lea positiivvalaš váikkuhus buot gieldevearuhusa hámiide ja dat dárbbáša valjis bálvalusaid eará doaimmasurggiin, mat sáhttet ovdánit raddálagaidda turismmain. Bálvalusfálaldaga lassin johtu boahotá maid ovdamearkka dihte ođđa viessobuvttadeapmái, mii fas vástidivččii guovllu viessodárbui. Go turisma ovdána, dat lasiha iešguđetlágan bálvalusaid fálaldaga maidái báikkálaš ássiide lasihemiin ná guovllu oppalaš geasuhusa ja eallinfámu. Guovllu eallinfámu lassáneami sáhtta einnostit ovddidit maid báikkis sorjjasmeahtun fitnodagaid sajáiduvvama guvlui. Turismmas leat maid vejolašvuodát ovdánit buot golmma gilis.

Ohcejogas leamašan manjimuš guovtti jagi áigge mánga projeavtta, mat laktásit fáhkkes ráhkadusnuppástussii. Daiguin lea geahččaluvvon ohat vugiid ođđa ealáhusaid ovddideapmái. Sámi kulturárbbi nannen -projeakta nogai 31.12.2022 ja eará projeavttat nohket borgemánus-golggotmánus 2023. Dušše Teno Outdoor -sihkelastinturisma-projeakta joatkašuvvá giđdadálvá 2024. Maidái dain projeavttain dahkkon bargu lea nannen áddejumi turismmas boahttevuoda guovddáš ealáhussan Ohcejogas.

Turisma ii sáhte lassánit ja ovdánit dušše gieldda doaimmaiguin ja gieldda resurssaiguin. Dárbbášuvvo čanusjoavkkuid nana oasálašvuoha ja čatnaseapmi ovtas sohppojuvvon ulbmiliidda sihke

Beavdegirjii dárkkisteaddjit:

servoša sosiálalaš dohkkeheapmi. Ohcejoga turismma ovdáneami várás lea dárbu dihtui vuodđuduvvi turismma Master Planii, man gárvvisteapmái lea oassálaston viidát. Dákkár prográmmas guovddáš doaimmat leat ee.

- Dálá dili analysa ja boahhtevuhtii guoski oainnut
- Turismma treanddaid reflekteren ja benchmark-galledeamit

Ohcejoga turismma perspektiivvas

- Analysa Ohcejoga turismma potentiálas
- Turismma ovdáneami ulbmiliid meroštallan
- Guovlluideavaheami plánen
- Ohcejoga turismma doaibmabidjoprográmma čohkken
- Sierra doaibmiid gaskasaš oktasašbargomálla gárvvisteapmi
- Guovllu turismafitnodagaid buvttavoddideami doarjun.

Master Plan vehkiin Ohcejoga turismma ovdáneapmi vuodđuduvvá ovttas sohppojuvvon njuolggadusaide. Ovddideapmi gáibida gillilvuoda ja sierra ruhtadeaddjit oidnet guovllu dás ovddos beroštahti báikin. Projeakta boahdá oasiltis ollašuttit ođđa giellastrategiija ja eanapolitihkalaš prográmma. Projeavttas gárvvistuvvon Ohcejoga turismma Master plan buktujuvvo váldostivrii giedáhallasláhka.

Lappi lihttu juolluda AKKE-ruhtadeami oanehisáigge ovddidan-, iskkadallan- ja čielggadanprojeavttaide, mainna ohcat ođđa čovdosiid dahje válmmaštallat stuorát ovddidanollisvuodaid. Ohcanláhka submi sáhtta leat 80 000 euro ja das ohcci iešruhtadanoassi lea 20 proseantta. Čuovvovaš ohcan nohká 22.2. Submi dahká vejolažžan bajábealde govviduvvon barggu ollašuttima.

AKKE-ruhtademiin sáhtášii ohcat Ohcejoga turismma Master Plan -projeavtta, mii dahkkojuvvošii oastobálvalusháhkamiin. Projeakta bisttášii 1.6.2023- 31.5.2024.

Eallinfápmohoavdda evttohus:

Giella ohcá Lappi lihtus 22.2. rádjai projeavtta Ohcejoga turismma Master Plan -projeavtta ollašuttimii. Projeavtta ollašuttináiigi 1.6.2023- 31.5.2024. Projeavtta ollesbušeahtta lea 80 000 euro ja dan iešruhtadanoassi lea 20 % dahjege 16 000 euro. Ohcamuša oktavuhtii dahkko projektaplána, mii doallá sisttis bajábealde máinnašuvvon temáid. Projeakta dahkkojuvvo oastobálvalussan, go fas eallinfámu doaibmasuorgi vástida projeavtta hálddahušlaš bargguin ja projeavtta diehtujuohkimis.

Eallinfápmo- ja teknikalaš lávdegoddi evttoha gielladaráđđehussii ja ain váldostivrii lassemearreruđa projeavtta iešruhtadeami gokčama várás 16 000 euro projeavtta kontui eallinfámu bušehtii.

Mearrádus:

Dohkkehuvvui evttohusa mielde.

Gielddaráđdehus	§ 146	05.09.2022
Eallinfápmo- ja teknikalaš lávdegoddi	§ 14	09.02.2023

Giddodatbargojoavkku evttohus boares skuvlagiddodagaid geavaheamis

51/00.02.01/2022

Gr 05.09.2022 § 146

Ohcejoga gielddas ođđa skuvladoaibmadáluid mielde buot giliguovddážiin leat báhcán guorusin mearkkašahti mearri giddodagat, maid geavahanulbmilis ii leat ovdal mearriduvvon. Guoros doaimalanjaid geažil gártet gildii ligger- ja giddodatfuolahusgolut, mat jagiid mielde sáhttet šaddat mearkkašahti ekonomalaš losádussan. Lassin giddodagat sajáiduvvet giliguovddážiid árvvusadnojuvvon tonttiide.

Bargojoavkku bargun lea čielggadit ovddeš skuvlavisttiid bajásdoallogoluid, huksenteknikkalaš geavahanvejolašvuoda sihke guorahallat doaimalanjaid vejolaš ođđa geavahanvugiid. Árvvoštallama vuložin sáhttet boahit maid muhtin giddodagaid burgin. Doaimalanjaid boahteáiggi geavahanulbmil berre nannet gieldda eallinfámu goasttádusbeaktilis doaimamáalle mielde. Bargojoavkku bargu lea teknikkalaš doaimasuorggi viidasut, nu ahte dat gokčá gieldda buot doaimasurggiid dárbbuid ja oaidnivugiid. Danne bargojovkui lea dehálaš oažžut buot hálddahušgottiid áššedovdamuša. Bargojovkui gullet čuovvovaš virgeolbmot: giddodathoavda Markku Porsanger, eallinfápmohoavda Tanja Lepistö ja čuvgehušoavda Virpi Veskonieni. Bargojoavkku čállin doibme giddodatinšenevra Mirja Savolainen.

Energiija hatti leat einnoston badjánit boahite dálvve mearkkašahti ollu. Ohcejoga gieldda juksanáigumuššan lea sáhttit geahpedit energiija geavaheami iežas giddodagain. Guorahallama vuodđun teknikkalaš doaimma guorahallá buot gieldda oamastan giddodagaid šleađga- ja oljolliggengoasttádusaid čakčamánu loahpa rádjai. Guorahallama bokte viggat oažžut dieđu guđege giddodaga liggemii geavahuvvon goluin. Dát diehtu lea dárbbalaš go smiehttat ovddeš skuvlagiddodagaid boahteáiggi geavaheami.

Evttohus:

Gielddaráđdehus vuodđuda bargojoavkku čielggadit boares skuvlagiddodagaid geavaheami. Gielddaráđdehus nammada bargojovkui jo nammaduvvon virgeolbmuid lassin vihtta luohttámušolbmo/teknikkalaš lávdegotti lahtu, geain lea máhttu ja beroštupmi huksen- ja giddodatsuorggis ja mii vuhtii váldá ahte mielde leat ovddasteaddjit buot golmma giliguovddážis. Bargojoavku sáhtta ordnet giliguovddážiin viidasut geahčalmasaid ja dilálašvuodaid, maida leat buresboahit buot gieldalažžat. Bargojoavkku doaimmabadi lea guovvamánu 2023 lohppii.

Beavdegirjii dárkkisteaddjit:

Giieldaráđdehus	§ 146	05.09.2022
Eallinfápmo- ja teknikkalaš lávdegoddi	§ 14	09.02.2023

Mearrádus:

Evttohus dohkkehuvvui.

Giieldaráđdehus nammadii čuovvovaš olbmuid bargojoavkku lahttun: Mika Aikio, Vesa Länsman, Ismo Manninen, Sammol Lukkari, Marjatta Kordelin ja Eeva Jaatinen. Merkejuvvui beavdegirjái, ahte bargojoavkku vuosttas čoahkkima bovde giddodatinšenevra Mirja Savolainen. Bargojoavku vällje ságadoalli iežas lahtuin.

Ealteklg § 14

Bargojoavku dárkkistii giddodagaid 19.10.2022 Gáregasnjárgga boares skuvllas ja 20.10.2022 Ohcejohnjálmmi boares skuvllas sihke Njuorggáma boares skuvllas. Bargojoavku čoahkkani guktii Teams-čoahkkimii, 20.9.2022 ja 30.11.2022. Bargojoavku čohkkii barggus raportta (lassemateriálan).

Válmmaštalai giddodatinšenevra

Doaibmasuorgehoavdda evttohus:

Bargojoavkku mearrádusevttohusat leat čuovvovaččat – duogážat, maida dát evttohusat vuodđuduvvet, gávdnojit bargojoavkku dahkan raporttas:

1. Gáregasnjárga – ovddeš boradanviessu
Burgujuvvojit buot lavttat (čáhce-, šleađga- ja liekkaslavttat) giddodagas ja bossojuvvojit bohccit guorusin.
2. Gáregasnjárga – skuvlaviesu siidooassi, man vuollegearddis lea giddodatoppalašvuoda liggenguovddáš
Dahkat dušše vealtameahtun divvumiid dainna jurdagiin, ahte giddodat lea geavahusas čuovvovaš logi jagi. Ja sajiide plánet nuoraide, gieldda ordnen asttuáiggedoaimmaide sihke gili olbmuid asttuáiggedoaimmaide doaibmasajiid. Joatkit viesu láigoheami dan rádjai go láigolačča ealáhatahki álgá (gieldda bargi).
3. Ohcejohnjálmmi skuvla
Botkejuvvo Ohcejohnjálmmi skuvlagiddodat ovddeš rektora lanja buohta. Boađáhat, mas lea mannon boradansadjái, báhcá botkema olggobeallái. Dat oaivvilda dan, ahte giddodaga elrávdnjeguovddáš sirdojuvvo dan oassái, mii báhcá geavahussii.
Biddjojuvvo oppa máttabeđo vuovdimassii. Vuovdinláhkai oassái berre dahkat iežas elrávdnje- ja čáhcelavttaid. Dahkkojuvvo almmolaš vuovdinalmmuhus.
4. Áilegas-dálut, máttit ja davit

Beavdegirjji dárkkisteaddjit:

Giieldaráđdehus	§ 146	05.09.2022
Eallinfápmo- ja teknikkalaš lávdegoddi	§ 14	09.02.2023

Mannat sierra hálddahusgottiiguin giddodagaid ávkkástallanvejolašvuodaid čađa ja dárbbu mielde álggahat giddodagaid vuovdaleami maid olggobeale geavaheaddjiide. Máttit Áilegas-dállu heive ee. gáiddusbargolatnjan.

Bidjat Áilegas-dáluide áibmočáhceliggenbumppaid geassit 2023. Investeremiidda ferte ohcat lassemearruđa.

5. Njuorgán

Guđđojuvvo boares skuvlaviessu galmmasin ja vuvdojuvvo Metosa gievkkan. Skuvlla ja gili geavahusas leahkki skeittangietti jiekŋudeapmi heitojuvvo. Jiekŋudat skuvlla geavahussii ng. korespábbagietti, mii lea boares skuvlla šiljus. Dáinna oažžu mearkkašahtti seastimiid maid čáhcegeavahusas, dasgo korespábbagietti jiekŋudeapmái dárbbášuvvon čáhcemearri lea dušše uhca oassi stuorra gietti jiekŋudeapmái dárbbášuvvon čáhcemearis.

Lihkadanhálla sisttisoalli viessu doalahuvvo geavahusas dušše vealtameahtun divvumiiguin čuovvovaš 5 jagi. Giddodahkii biddjo áibmočáhceliggenbumpa geassit 2023. Giliolbmot sáhttet geavahit viesu luohkkálanja asttuáiggedoaimmaide.

Mearrádus:

Dohkkehuvvui evttohusa mielde.

Eallinfápmo- ja teknikalaš
lávdegoddi

§ 15

09.02.2023

Eanaviidodagaid lonuheapmi

13/10.00.02/2023

Ealtekig § 15

Eanaviidodagaid lonuheapmi lea eanaviidodatortnet, mainna buoriduvvo eanaviidodaga sadji ja beavttálmahtto eanageavaheapmi lonuhemiin sierra giddodagaide gullevaš viidodagaid gaskaneaset (KML 56-59 §). Eanaviidodagaid sáhtta lonuhit, jos giddodagaid eaiggádat das sohpet (eaktodáhtolaš eanaviidodagaid lonuheapmi). Eanaviidodagaid lonuheamis eai rievdaduvvo oamastanvuoigatvuođat, muhto dušše oamastanvuoigatvuođa čuožáhahkan leahkki giddodagaid fysalaš olli.

Eaktodáhtolaš eanaviidodagaid lonuheami oppalaš eavttut leat:

- eanaviidodagaid lonuheapmi ii oaččo dagahit hehttehusa giddodatvuogádaga čielggasvuhtii dahje čielga hehttehusa eanaviidodagaid lonuheapmái oasálaš giddodaga geavaheapmái (nappo jos goabbá nu ollašuvvá, eai eavttut)
- lonuhanláhkai viidodagat dahje oasis galget sullii árvuset beales vástidit nuppiideaset daikke lonuhanláhkai viidodagaid dahje osiid árvi galgá leat vuollegis ja
- sajádatlávtaguovllus eanaviidodagaid lonuheapmi berre ovddidit tonttiid dahje heivvolaš huksensajiid hábmema dahje lávas meroštallon eará guovlovárremaid ollašuttima

Ovddabealde máinnašuvvon eavttut ollašuvvet. Lassin eanamihtidanlágádus lea gávnahan, ahte eanaviidodagaid lonuheapmi ii váttasmahte láva ollašuvvama, vaikko ii maiddá gal ollašuite láva.

Gielddaráđdehusa 28.03.2022 (gr 28.03.2022 §74) vuovdin tonte (890-401-10-12) nr 3 koartilis 6 lea golmmačiegahasa hápmásaš. Buoremus huksensadji tonttes lea golmmačiegahasa máttageažis. Tonte hápmi eastá huksema dasa.

Tontte 890-401-10-12 oastán Nilla Tapiola evttoha eallinfápmo- ja teknikalaš lávdegoddá, ahte tontte hápmi rievdaduvvo eanaviidodagaid lonuhemiin nu, ahte tonttes šaddá njuolgočiegahasa hápmásaš. Dáinna eanaviidodatordnedemiin maid tontte 890-401-59-0 ođđa hápmi dahká vejolažžan tontte buoret ávkinatnima dás ovddos. Ođđa tonterádjá lea merkejuvvon alihiin. Giddodagaid viidodagat ja huksenvuoigatvuođat seilot ovddešláhkai. Lávvi merkejuvvon huksenvuoigatvuohta lea juhkon nu, ahte juohkinvuođustussan gávpegirjgis lea geavahuvvon giddodagaid viidodagaid gorri. Lassemateriálan eanaviidodagaid lonuhansoahpamuš.



Válmmaštalaí giddodatinšenevra

Doaibmasuorgehoavdda evttohus:

Eallinfápmo- ja tehnikkalaš lávdegoddi evttoha gielddaráđđehussii, ahte gielddaráđđehus dohkkeha eanaviidodagaid lonuheami.

Mearráduš:

Eeva Jaatinen gávnnahii iežas leat easttalaš, iige oassálastán mearrádušdahkamii.

Mika Aikio evttohii, ahte gieldda ii lonut eanaviidodagaid, muhto vuovdá gieldda oamastan golmmačiegathápmásaš tontte lagabus gátti. Anni Ahlakorpi guottihii Aikio evttohusa.

Go čoačkimis lei guottihuvvon evttohus, mii guoská galmmačiegathápmásaš tontte vuovdima, ságadoalli gávnnahii, ahte čađahuvvo nammačuorvunjienastus, mas JAA lea lávdegoddi evttohus ja EI Mika Aikio guottihuvvon evttohus.

Jienastanortnet dohkkehuvvui. Čađahuvvon jienastusas addojedje oktiibuot 6 jiena, main JAA jienat 1 (Sammol Lukkari), EI jienat 4 (Pirjo Konttinen, Mika Aikio, Anni Ahlakorpi, Mika Koskenniemi), TYHJIÄ jienat 1 (Mirjami Kinnunen). Jienastusa vuodul lávdegoddi dohkkehii Mika Aikio evttohusa.

Eallinfápmo- ja tehnikkalaš lávdegoddi evooha gielddaráđđehussii, ahte gielddaráđđehusa vuovdá gieldda oamastan golmmačiegathápmásaš tontte lagabus gátti.

Ohcejoga luossaguovddáščielggadusa álggaheapmi

Ealtekig § 16

Ohcejoga gielda lea ožžon riikkabeivviid stáhtaruhtaválgagotti jagi 2023 juohkováriin 150 000 euro ođđa Luossaguovddáža čielggadanbargui. Gažaldat lea golmmajahkásaš sirdinmearreruđas, mii čujuhuvvo Ohcejoga gildii bargo- ja ealáhusministeriija ja Lappi lihtu bokte ng. AKKE-projeaktaruhtadeapmin. Ohcejohka doaimmaha Lappi lihttui vel ohcamuša ja ruhtadeapmi lea geavaheamis dan maŋŋá.

Ohcejoga gielda hálida vuodđudit Luossaguovddáža, mii dorjjošii sihke guovllu eallinfámu ja johkasápmelaš kultuvrra seailuma. Ohcejohka gárttai fáhkkes ráhkadusnuppástusa dillái giđđat 2021 Deanu luossabivdogildosa čuovvumuššan. Gielddus lea joatkašuvvamin juo goalmmát geasi, iige luossanáliid ealáskeami boahttevuoda sáhte einnostit.

Luossaturisma leamašan Ohcejoga turismaealáhusa geađgejuolgi ja dehálaš dienas báikkálaččaide. Bivdogildosa negatiivvalaš váikkuhusat guovloekonomiijai leat juoba vihtta miljovvna euro jagis. Lassin gielddus riskere sámi rikkis luossabivdoárbevieru, mii lea leamaš juo máŋga čuođi jagi, sihke dasa laktáseaddji kultuvrralaš ja gielalaš máhtu seailuma.

Luossaguovddáš doaimmašii Deanu luossabivddu ja árbedieđu áššedovdi- ja oktasašbargoorganisašuvdnan sihke álbmotlaččat ja riikkaidgaskasaččat. Guovddáža oktavuhtii lea oaivil ohcat maid oktasašbargoguimmiid dutkan- ja innovašuvdnadoibmii laktásettiin.

Luossaguovddáš sáhtášii doaibmat Deanu luossabivddu áššedovdi- ja oktasašbargoorganisašuvdnan Deanu guolledoalloguvlui ja sierra stáhtahálddahusa doaibmiide ja dutkanlágádusaide. Dat sáhtášii bálvalit ovdamearkka dihte LUKE dutkan- ja oktasašbargodárbbuid sihke doaibmat luossabivddu báikkálaš áššedovdin ovdamearkka dihte guovlohálddahusa organisašuvvnaide nugo ELY-guovddážii.

Luossaguovddáža bargun livččii vurket, ealáskahttit, bisuhit ja ain ovddidit luossabivdoárbevieru ja dan vuodul šaddi ođđa ealáhusaid. Luossaguovddáš bálvalivččii viidát árbedieđu hálddašeaddjiid ja báikkálašservošiid, skuvllaid, turismma, ja gieldda rájáid rasttildeaddji oktasašbarggu.

Ohcejogas leat juo mearkkašahti ollu mávssolaš tinggat, govvamateriála ja jietnabáttit, mat laktásit Deanu guollebivdui. Lassin sierra arkiivvain ja dutkanlágádusain birra Suoma gávdnojit ollu Ohcejoga sápmelaččaid jearahallamat. Luossaguovddáš bálvalivččii dán mávssolaš ja rikkis kulturárbbi máhcaheami ja ovdan bidjama Ohcejoga sámeservošiid, ealáhuseallima ja turismma atnui.

Beavdegirjii dárkkisteaddjit:

Čielggadusas váldojuvvo vuhtii maid heivvolaš osiin daid čielggadusaid diehtosisdoallu, mat gielddas leat ovdalis dahkkon.

Luossaguovddáža vuodđudeapmi dorjjošii vuodđolágas meroštallon sápmelaččaid vuoigatvuođa bajásdoallat ja ovddidit guollebivdoárbevrrui laktáseaddji gielaset ja kultuvrraset Deanu bivdoráddjehusas fuolakeahhtá. Luossaguovddáš vástidivččii maid riikkabeivviid vuodđoláhkaválgagotti bealiváldimii (11.5.2022) Deanu guollebivdogildosii guoski láchkaevttohusa gieđahallama oktavuođas:

Stáhtaráđi lea buorre čielggadit, makkár eará doaimmaiguin sámiid vuoigatvuođa bajásdoallat ja ovddidit gielaset ja kultuvrraset sáhtá doarjut ja ovddidit guollebivddu ráddjemis fuolakeahhtá.

Čielggadanprojeavttas dahkkojit plánat, maid vuodul sáhtá ohcat ruhtadeami Luossaguovddáža ollašuhttima várás. Čielggadanbarggus lea oaivil válmmaštallat projeaktamearreruđaid olis luossaguovddáža bargguid ja rolla, organisašuvdnahámi, oktasašbargoguimmiid, ollašuhttinvuogi ja bargiid meari sihke vejolaš huksensaji ja sullii árvoštallon huksengoluid mearreruđaid olis. Čielggadanbargu lea 15.3.2023-28.2.2024. Čielggadanbarggu dárkilut sisdoallu girjejuvvo projeaktaplánii ja čielggadusa gárvánanáigetávval sáhtá vel dárkkálmuvvat go válmmaštallan ovdána.

Čielggadanbargui válljejuvvo projeaktahoavda jođihit ja válmmaštallat čielggadanbarggu. Projeaktahoavdda gelbbolašvuodaeaktun leat bajit akademalaš loahppadutkkus, hárvánupmi projeaktadoaimmas ja eangalsgiela máhttu. Barggus dárbbášuvvo Deanu luossabivdoárbevriera ja johkasápmelaš kultuvrra dovdamuš sihke fáddái laktáseaddji čanusjoavkkuid dovdamuš. Erenomáš ánsun gehččojuvvo sáme giela čálalaš ja njálmálaš máhttu sihke juridihkalaš máhttu.

Čielggadanbarggu doarjjan ásahuvvo mánggasuorrgat stivrenjoavku, mas leat ovddasteaddjin gielddaráđdehusa nammadan olbmot/olmmoš, árbevirolaš guollebivddu, sámemusea sihke guollebivdui laktáseaddji dutkan-, ovddidan- ja innovašuvdnadoaibmasuorgi nugo LUKE ja Geavu dutkanstašuvdna. Stivrenjovkui gullet virgeolbmui gielddahoavda, eallinfápmohoavda ja projeaktahoavda, guhte doaimmá maid stivrenjoavkku čállin.

Evttohus:

Luossaguovddáža čielggadanprojeakta álggahuvvo nu mo doarjjamearrádusas meroštallo. Čielggadanprojeakta biddjo

hálddahušlaš čat eallinfámu doaibmasuorgái goit nu, ahte gielddahoavda doaibmá projeavtta vástuolmmožin.

Evttohuvo gielddaráđđehussii, ahte Luossaguovddáža čielggadanprojekti ása huvo stivrenjoavku gielddaráđđehusa mearrádusain. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Fápmuduvvo gielddahoavda válljet Luossaguovddáš-čielggadussii projektahoavdda áigodahkii 15.3.2023-28.2.2024 ja mearridit gieldda bálkáášeolmmožin projektahoavdda bálkkás.

Mearrádus:

Mirjami Kinnunen vulggii eret čoahkkimis dán paragrafa gieđahallama áigge dmu 19.13.

Dohkkehuvo evttohusa mielde.

Eallinfápmo- ja teknikalaš
lávdegoddi

§ 17

09.02.2023

Áššit diehtun

Ealtekig § 17

- Lobihis huksen, diehtunaddin
- Lávvaráhkadankonsultta nuppástuhtin
- Huksendárkkisteaddji mearrádusat
- ÄRM-projeavttaid dili geahčadeapmi

Evttohus:

Merkejuvvojit diehtun.

Mearrádus:

Merkejuvvojedje diehtun.

Eallinfápmo- ja tehnikkalaš
lávdegoddi

§ 18

09.02.2023

Eallinfápmo- ja tehnikkalaš lávdegoddi giđa 2023 čoačkkináiggat

4/00.02.05/2023

Ealtekig § 18

Evttohus:

Lávdegoddi čoačkimat dollojuvvojit ná:

27.2. dmu 14:00

30.3. dmu 14:00

15.5. dmu 14:00

Mearráduš:

Dohkkehuvvui evttohusa mielde.

Lassemearruhta Sami Game Jam -projektii

53/02.02.00/2022

Ealtekig § 19

Eallinfápmodoaibmasuorgái lea juolluduvvon jagis 2021 ruhtadeapmi Sami Game -projektii Ovtastuvvan stáhtaid ambassáda Small Grants (Yhdysvaltojen suurlähetystön Small Grants) -prográmma. Prográmma ulbmilin lea doarjut erenoamážit nuoraide guoskevaš doaimma ja Ovtastuvvan stáhtaid ja Suoma gaskavuodaid. Ruhta lea juolluduvvon 20 000 dollára ja dan ulbmilin lea nannet sámiid ja Ovtastuvvan stáhtaid eamiálbmogiid oktasašbarggu. Ruhtademiin ollašuttuojuvvojit speallandáhpáhusat fierpmis. Projeakta vuodduuvvá jagiid 2015–2018 Ohcejoga Áilegas-guovddážis lágiduvvon speallandáhpáhusaide. Projeavtta ollašuttináigi lei álgoálgosaš projeaktaplánas jahki 2022, muhto koronapandemiija geažil projeavtta ollašuttimii ohccojuvvui nuppástusohcamušain lassiaigi geasi 2023 rádjai.

Dán rádjai projeakta lea ordnen guokte bargobaji jagis 2023. 3.-5.1.2023: Interactive storytelling with Twine ja Game design with Bitsy. Bargobájit lágiduvvojedje oktan ollisvuohtan. Jagis 2023 lea dán lassin ulbmil ordnet velá guokte bargobáji: Imagining Indigenous Worlds with Unity ja 7th Gen Tech Design with Blender.

Ruhtadeaddji lea dán rádjai juolludan ruhtadeami 10956 euro. Das lea geavahuvvon 3930 euro. Projeaktabušehta ruđas lea geavatkeahhtá velá 14310 euro. Mearruđa galgá ohcat ruhtadeaddjis dollára mielde, mii máksojuvvo ohccái beaivvi kurssa mielde. Dan dihte loahpalaš ohccojuvvon euromearri lea árvalus. Dollára kurssa gerddonin lea dás geavahuvvon 2.2.2023 kurssa vástideaddji lohku 0,91 buot eará loguid oasil baicce jo juolluduvvon 10956 euro oasil, mii lea nuppástuhtton euro mearrin máksinbeaivve fámus orron kurssa mielde.

Sami Game Jam lea báhcán vuhtii válddekeahhtá jagi 2023 eallinfámu bušeahhtaárvalusas. Vai projeakta sáhtá ollašuvvat plána mielde, galggašii eallinfápmodoaibmasuorgi ohcat jahkái 2023 mearruhtabadjelmannama 14310 euro, mii čujuhuvvo eallinfámu projeavttaid goasttádusbáikái, Sami Game Jam-projektii.

Eallinfápmohoavdda evttohus

Lávdegoddi evttoha gielddaráđđehussii ja ain váldostivrii

Beavdegirjii dárkkisteaddjit:

lassemearreruđa: manut 14310 euro, boadut 14310 euro,
netto 0 bajábealde ovdanbuktojuvvon jagi 2023
doaimabijuid ollašuhttima várás.

Mearrádus:

Dohkkehuvvui evttohusa mielde.

Ságadoalli loahpahii čoahkkima dmu. 19.20.

Nuppástusohcangildosat

Gildosiid vuoddu	Čuovvovaš mearrádusain ii gielдалága 136 § mielde oaččo dahkat vuigengáibádusa iige gielдавáidaga, dasgo mearrádus guoská dušše válmmaštallama dahje ollašuttima: Paragrátat 1, 2, 3, 4, 5, 6, 7, 8, 9, 11, 12, 13, 15, 16, 17, 18, 19
	Dasgo mearrádusas sáhtá dahkat gielдалága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragrátat 14
	Hálddahušlágageavahanlága (HallintolainkäyttöL) 5 § / eará láhkaásahusa mielde čuovvovaš mearrádusaide ii oaččo ohcat nuppástusa váidimiin. Paragrátat ja váidingildosiid vuđdosat

Vuigengáibádusrávvagat

Vuigen-gáibádus-virge-oapmahaš ja -áigi	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus: Utsjoen elinvoima- ja tekninen lautakunta PL 41 99981 Utsjoki Paragrátat 14 Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusaiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidnin láhkai almmolaš diehtofierbmái.
Vuigen-gáibádusa sisdoallu	Vuigengáibádusas galgá boahit ovdan gáibádus oktan vuđđosiiguin ja dan galgá dahkki čállit vuollái.

Váiddačujuhus

Váiddavirgeoapmahaš ja váidináigi	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvon mearrádussii oažžu ohcat nuppástusa gielдавáidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gielдавáidagiiguin maiddái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU	
	Gielдавáidda, paragrátat	Váidináigi 30 beavvi
	Hálddahušváidda, paragrátat 10	Váidináigi 30 beavvi
Eará váiddavirgeoapmahaš, čujuhus ja poastačujuhus	Paragrátat	Váidináigi beavvi beavvi beavvi

	Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldjuvvo lohku.
--	--

Laktojuvvo beavdegirjái

Váiddagirji	<p>Váiddagirjii galgá almmuhit</p> <ul style="list-style-type: none"> - váidi nama, poastačujuhusa, ruovttugieldda ja telefonnummira - mearrádusa, masa ohcá nuppástusa - man ráje mearrádusas váidojuvvo ja nuppástus, mii dasa gáibiduvvo dahkat - nuppástusgáibádusa ákkaid <p>Váiddagirjii galgá váidi dahje váiddagirjii eará ráhkadeaddji vuolláičállit. Jos dušše ráhkadeaddji lea vuolláičállán váiddagirjii, de das galgá máinnašit maiddá ráhkadeaddji ássangieldda, poastačujuhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkkovvot.</p>
Váiddaáššegirjiid doaimmaheapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimus beaivi lea bassebeaivi, iehčanasvuodabeaivi, válborebeaivi, juovla- dahje jonsotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas beavve dan mañná. ležas ovddasvástádusain váiddaáššegirjiid sáhtta sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahit ovdal go váidináigi nohká.</p> <p>Váiddaáššegirjiid sáhtta doaimmahit maid: namma, čujuhuse, poastačujuhuse Paragrafat</p> <p>Váiddaáššegirjiid galgá doaimmahit 1): namma, čujuhuse, poastačujuhuse Paragrafat</p>
Lasse-dieđut	<p>Dárkilis vuigengáibádusráva/váiddačujuhuse laktojuvvo beavdegirjii váldosii.</p>

¹⁾ Jos doaimmahuvvo eará sadjái go váiddavirgeoapmahažžii.